



Atassut
Siverth K. Heilmann

UPA16/69
03.05.16

Inissianik attartortitsisarneq pillugu Inatsisartut peqqussutaata nr. 2, 12. Maj 2005-imeersup UPA 2017-mi allanngortinneqarnissaa pillugu Naalakkersuisut suliniuteqaqqullugit inatsisartut aalajagiiffigisassaattut siunnersuut.

Taamaaliornikkut atorfirmut atatillugu inigisap sivikinnerpaamik ukiuni tallimani attartoreerneratigut attartortup nalinnaasumik attartukkatut inigilersinnaallugu.

(Inatsisartunut ilaasorta, Anthon Frederiksen, Partii Naleraq).

Atassut-miit siunnersuut pillugu imaattumik oqaaseqaateqassaagut. Siullermik siunnersuuteqartumut qujanaq.

Ukiorpasuarni ineqarnikkut ajornartorsiutit oqallisigisarnerini, Atassut-miit annertuumik peqataasarsimavugut, aamma pitsanngorsaatinut arlalissuarnut tunngavissiuissarluta. Inuit ulluinnarni ineqarnikkut atugarisaat, apeqqutillugu taakkununnga tunngasut Atassut-mi annertuumik pingaartippagut.

Atassut-mi anguniakkatsinnut pingaaruteqarpoq, ineqarneq pillugu, aamma inissarsiorluni nalunaarnermi, tulleriarinermilu allassimaneq, allattuinerlu “naligiissumik” periarfissaqartitsisumik atuutsinneqassasoq, aamma atorfilinnut, atorfeqarnermullu atatillugu ineqarnermut, aamma eqqarsaatigalugu.

Pingaaruteqartuassaaq, nunatsinni siamasissumik inissaqarneq pillugu isiginneriaaseqarluni pilersaarusiorlunilu atuutsitsinissaq, aamma atorfeqarneq aallaavigalugu ineqartitaaneq eqqarsaatigalugu. Maluginiagassaq pingaartoq tassaavoq, aamma tamanna Naalakkersuisut akissuteqaamminni ersersitaat, tassa atorfeqarneq aallaavigalugu allatsittarnermi, marloqiusamik periarfissaqartutut inissinneq, tamanna Atassut-mi nalingiissumik periarfissaqartitsinissamut pingaartitsinitsinnut illua-tungiliuttoq, taamaattumillu ullumikkut periarfissaq ajunngitsutut taaneqarsinnaallutik. Tamannalu aamma aallaavigalugu, siunnersuut akuersaanninnatsigu oqaatigissavarput.